

## BESIMTARI I VËRTETË

Besimtar i vërtetë është njeriu i sinqertë në fjalë, në vepër dhe në qëllime.  
(u thoni jnjerezve fjalw tw mira) (O ju qw keni besuar dhe vepruar vepra tw mira) (Innema a'malu binijat)

Besimtar i vërtetë është ai për të cilin krenohet njerëzia.

Besimtar i vërtetë është ai që logjikon, arsyeton dhe nuk nxiton në fjalë, në vepra dhe në vendime. (kwto janw argumente pwr njerwzit qw arsyetojnw)

Besimtar i vërtetë është ai që i dorëzohet Allahut dhe askujt tjetër.

Besimtar vërtetë është ai që fal, mëshiron dhe toleron për hir të Allahut.

Besimtar i vërtetë është ai që i kryen adhurimet në vetmi që mos e shohin të tjerët.

Besimtar i vërtetë nuk është ai që vetëm falet, agjëron. Besimtar i vërtetë është ai që ruan gjuhën e tij, trupin e tij, bashkëshorten e tij, fëmijtë e tij, fqinjën e tij, shokët dhe miqtë e tij, të afërm qofshin apo të largët.

Besimtar i vërtetë është ai njeri që nuk e kundërshton Allahun, por e falënderon dhe e madhëson Atë.

Besimtar i vërtetë është njeriu i durueshëm, i cili nuk mërzitet prej lutjes dhe nuk e heq shpresën prej mëshirës së Allahut.

Besimtar i vërtetë është ai njeri që i lutet Allahut me bindje se Ai do t'i përgjigjet lutjes së tij.

Besimtar i vërtetë është njeriu me botëkuptim të thellë, i ndjeshëm, i butë i cili nuk i bën keq askujt dhe nuk vepron vepra që e zemërojnë Allahun.

Besimtar i vërtetë është njeriu i cili ka si qëllim madhor formimin e një familje besimtare dhe të edukuar.

Besimtar i vërtetë është ai njeri që e përjeton Islamin në zemrën e tij, në mendjen e tij, në trupin e tij dhe në moralin e tij.

Besimtar i vërtetë është ai njeri që nuk fle ndërkohë që njeriu më i dashur i tij lëndohet.

Besimtar i vërtetë është ai që gjykon me drejtësi në mesin e njerëzve.

Besimtar i vërtetë është ai që lufton përçarjen dhe thotë gjithmonë të vërtetën

Besimtar i vërtetë është njeriu i buzëqeshur, i urtë dhe ai që i do të gjithë njerëzit.

Besimtar i vërtetë është ai njeri që interesohet për problemet e njerëzve dhe përpiqet t'i zgjidhë ato.

Besimtar i vërtetë është ai njeri që fton për paqë dhe dashuri.

O Zot i Gjithësisë na bëj prej myslimanëve të vërtetë.  
O Zot i Plotfuqishëm na ruaj prej të keqes së njerëzve dhe xhindëve!  
O Zot i Madh. Na mundëso të jemi sa më larg të keqes.  
O Zot ynë. Na i pastro zemrat prej të këqijave.  
O Zoti ynë. Na bëj prej atyre që dëgjojnë fjalët dhe ndjekin atë që është më e mira.  
O Zoti ynë. Na i ndriço zemrat, mendjet dhe shpirtërat me dritën e Kur'anit.  
O Zoti ynë. Na bashko me Profetin Muhamed dhe me familjen e tij të pastër.  
O Zoti ynë. Bekoje Muhamedin dhe familjen e Muhamedit ashtu siç bekove Ibrahimin dhe familjen e Ibrahimit.  
Ti je i Gjithëdijsmi dhe falësi.  
Na fal neve dhe na mëshiro në ditën kur nuk bën dobi as pasuri a e as fëmija vetëm se ardhja te Ti me zemër të pastër.

**V. Merja**